

Despues di reunion cu Staten su comision di turismo

Presentacion di AHATA a laga gremionan spanta

Con malo situacion di nos turismo ta!

ORANJESTAD (AAN) – Gremionan comercial (KvK-ATIA) hunto cu sindicatonan, AHATA y A.T.A a worde invita ayera, na un reunion informativo for di e Comision di Turismo di Staten, pa elabora riba e situacion actual di nos industria turistico.

Matutino DIARIO a entrevista e presidente di Camara di Comercio, sr. Edwin Roos, y sr. Serge Mansur, presidente di ATIA. Edwin Roos no a haci comentaronan relevante, solamente el a declara cu no tabata tin mucho cos nobo, pero tabata mas bien un intercambio di informacion, fundamentalmente basa riba e investigacion y encuesta cu AHATA a haci-bao di su miembronan.

AHATA for di basta tempo caba a mira cu tin un bahada den turismo, locual ta nada nobo ni sorpresa pa ningun hende, segun sr. Roos. El a indica cu e situacion ta muestra basta serio y por papia di un entrada cu a bay atras cu 15%, cu ta un porcentahe considerable den sector di turismo.

Roos a splica cu Aruba su economia ta existi di cifranan halto pasobra e presupuesto di gobierno ta basa riba entradanan halto cu semper tabata tin caba, y Aruba ta un producto cu merece esaki tambe.

Durante e reunion no a bay den detaye di posible solucion, y tur hende ta

conciente cu mester bin solucion, manera un plan concreto con pa maneha e diferente aspectonan di e problema aki.

Di señor Serge Mansur, presidente di ATIA, nos a haya informacion mas concreto, ya cu ademas di a comenta cu basicamente nan a haya un presentacion di AHATA, tocante e situacion di nos turismo y e diferente retonan cu ta worde enfrenta, a referi na e impresion cu el a haya for di e presentacion aki.

El a subraya cu ATIA mes cu for di basta hende ta alerta riba e problemanan di nos pais, a keda spanta realmente riba nos situacion di turismo, y e "outlook". E ta kere cu tur hende cu tabata sinta den e sala ta di acuerdo cu gobierno y sector priva tin hopi trabao di haci, manera tuma un decision di con pa atende cu e retonan di nos industria turistico, y conhuntamente wak den ki direccion nos pais



por bay.

Na hopi caminda nos a bira deha, y segun sr. Mansur principalmente nos tin un gobernacion "ad hoc" unda cu no tin un vision, ni un planificacion integral di nada, ni di turismo, ni di ningun otro sector.

Esaki ta hiba nos pais den un caminda unda e diferente ministerio y departamentonan ta traha na diferente direccion di manera

cu no ta yega na ningun caminda bon.

Riba declaracion di e minister concerni, cu nos pais ta custumbra cu entradanan hopi halto cu un caida manera tin awor, ta pone nos haci un tiki coi loco, ta un tipo di declaracion cu ta duna presidente di ATIA mas miedo riba e capacidad di gobierno actual, y e ta spera cu lo yega na un punto cu e sorto di declaracionnan aki no worde haci mas.

Presidente di ATIA ta haya

cu e problemanan cu nos pais tin ta hopi serio, y un manera cu por ta sigur cu e no ta worde resolvi ta door di ignore of sconde. Pesey mester reconoce esaki y resolve nan. Pa purba busca un solucion e gremionan lo bolbe reuni y trece un dialogo y comunicacion entre e diferente motornan di Aruba su economia, pa wak si por yega na un entendimento y fiha un direccion den cual un y tur ta bay.

Caso di Wantu Wazuri, tin cu wanta un rato

ORANJESTAD (AAN): Diabierna Wantu Wazuri Pampoya C. a presenta dilanti di huez, pa motibo cu el a wordo acusa di na un forma premedita, kita bisa di un persona cu fam Richardson. Ta asina cu segun rapport di polis, e acusado a hinca R. na

su garganta, cu consecuencia cu el a fayece.

Mirando cu rapport psiquiatrico y rapport di patologo no tabata cla, e caso mester a wordo posponi te cu dia 15 di December, pa 10:30 di mainta.

MEP TA MEP...AY NOBE!!



BEST DEAL


Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



6 Second ABS cu su DVD

Antes Afl. 100,=

Awor Afl. 25,=